



DEO OPTIMO MAX.

UNI ET TRINO.

VIRGINI DEIPARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

manè discutienda, in Scholis Medicorum, die Lunæ,

vigesimo-tertiò Martii Anni M. DCC. XXXIII.

M. JOANNE-DAMIANO CHEVALIER,

Doctore Medico, Præsidente. Autore.

An Vini potus salubris?

I.



D conservandam sanitatem multa concurrant necessum est, ad evertendam quàm pauca sufficiunt! Unius ex rebus non naturalibus abusu athletica quandoque ruit valetudo. Plerique tamen homines lethum sibi maturant, in eligendo vivendi genere sibi duces cæci. In causâ est præjudicata opinio multorum animis insculpta: Vitam opinantur miseram quæ medicinæ præceptis subiaceat. Quàm turpiter errant! Medicinæ pars est definire quos juvet nullis obligari legibus; nullum cibi aut potulemi genus fugere, laborare, quiescere, ruri aut in urbe esse, vigilare, &c. Artis est & eos dignoscere quos valetudo

Cels. lib. 1.
cap. 1.

causaria severioribus addidit legibus. Has si quis contempserit, imprudentia suar pœnas luet : peribit partium vigor : hærebit visceribus labes vix aut nunquam eluenda : corruet sanitas suis malefulta adminiculis. Non aliunde plus est insidiarum vitæ, quàm ex cibo & potù. Igitur suæ valetudinis cupidus inquirat præcipuè quo alimento pasci, quem laticem potare debeat, ita enim diætâ temperanda ut dissolvendis alimentis, roborandis fibris, tuendæ diaphoresi, ciendis urinis, cæterisque secretionibus ad naturæ votum dirigendis; nec non, (quod sanitatis condimentum est,) mentis hilaritati consulatur.

I I.

NUTRITIONE & secretionibus valemus & ægrotamus. Nutritio est succi alibilis texturæ partium applicatio. Succu tenuati ablegatio in variæ diametri tubulos secretio est. Nutricatûs & secretionum materiam alimenta subministrant, hæc talia sint quæ facile subigantur, & queis tritûs adjuvantur instrumenta; sic edulia liquefcunt in chymum laudabilem; ex hoc exurget eximie notæ chylus. Ex chylo sanguis, ex sanguinis *Encrasta* ejusdem circuitio facilis; ab expedito sanguinis circuitû nutritio atque secretionum series. Ad singula corporis puncta sanguinei laticis appulsû, partes irrorantur, crescunt, refarciuntur, firmantur. Dùm sanguinea massa per exilissimorum tubulorum anfractus innumeros urgetur, hîc ferum, illic lympham, ibi bilem, alibi semen prolificum deponit, aut in hæc per multifariam elaborationem, mutatis molecularum superficiebus, abit. Assumptorum pars itaque solidescit; pars inutile pondus excernitur; pars pluribus functa muniis, redit ad cor iterum elaboranda. Hæc dùm naturali tenore & ordine peraguntur, stat sanitas, vigetque: verûm labefactatur facîle si quid solidarum partium robur & elaterium evehat nimis, deprimat aut invertat, inde liquidorum crasis pervertatur. Ut istud periculi minantur aër male temperatus, labor improbus aut segnities, somnus longior vel brevior, excernendorum retinendorumve copia ut suprâ sic infrâ naturæ modum, abnormes motus animi, cibus uberius vel parcius; ita noxam non minorem inferre potest functionum integritati potûs quantitas vel qualitas malè definita.

I I I.

POTUS ac cibi eadem fere necessitate urgetur hominum genus. Variæ regiones varia potionum genera parant suis accolis. Hæc fecit cupidus vini, vel dulcis aquæ penuria. Ex vini æmulis liquoribus alii aliis salubriores; nulli æquiparandi vino, nec ipsummet vinum aquæ eximie componendum. Non ideo tamen illa omnibus, aut omnibus Lyxi dona. Hæc fungiant Arthriticis vel Rheumaticis cruciatibus, morbis inflammatoriis, & Hæmoptoë obnoxii: hæc vitent quorum præcordia æstuant, & qui Astmate siccò tentantur: his valedicant quibus caput dolere assiduè (a) non jejunis (b), & quos tussis sicca molestat, & quos fugit somnus facilis. Qui verò firmâ gaudent valetudine, qui multo labore corpus exercent, qui parcius mingunt, (c) queis inest uberius pituita, aut deest Diaphoreticos

(a) Hippocr.
de affect.

(b) Cels. 1.
c. viij.

(c) Hippocr.
de diætâ.

copia naturalis, hi habitâ ratione temperamenti & ætatis & tempestatum lætifico misceant Baccho pocula. Pueri dilutius, juvenes dilutum, senes meracius bibant (d). Quantitas ex siti definienda. Autumno & hyeme minor sed meracior, vere diluta, ætate dilutissima sit potio (e). In vino salubritatem cum voluptate conjunctam quæris? Eligas odore fragrans, tenue, rubens, pellucidum, leniter pungens, quale est * *Abalonense*. Hôc nullum suavius, salubrius nullum præfert Burgundia: vires recreat, & instaurat, alimenta solvit, secretiones omnes sollicitat, exhilarat mentem, roborat facultates omnes.

(d) *Cels. cap. iij.*
(e) *Cels. ibid.*
* Vin d'Avalon.

I V.

NON diluendis cibus tantum potio necessaria, sed & adjuvando ventriculo, cujus est alimenta in pulvem fluidam convertere. Obstat huic operi duplex præsertim visceris hujus vitium: lunata videlicet fibrarum Elasticitas, aucta, vel imminuta. Caliditatem & frigiditatem dixerê veteres: Emendati vitium prius aquâ postulat. Calidis enim naturis aque potus (a), & quia calor concoctionem prohibet, aqua frigida stomacho prodest (b). Stomacho autem laborantibus ob fibrarum inertiam, (en frigiditatis vitium) non aquâ sed vinum bibendum est (c). Prodest enim adversus tardam concoctionem vinum bibere (d). Unde vino hac energia? accipe. Vina acida, inquit Cœlis, frigefaciunt, & attenuant, & humectant: frigefaciunt & attenuant, humiditatis evacuationem a corpore facientia (e). Humectant autem per aquam unâ cum vino ingredientem. *Abalonense* vinum aquâ multâ temperasti: Habes & jucundum & saluterferum quod descripsit medicinæ princeps, per aquam unâ cum vino ingredientem, & quam multam suscipit, cibos attenuat, dissolvit, diluit. Modico sale & sulphure quibus constat mixta potio suaviter acida, æsophagi & ventriculi fibras blandè vellicando salivam & liquorem gastricum elicit; robur addit ventriculis pigrioribus quò vegetius oscillent, ingesta terant impensius. Hinc lacteus emergit cremor lactea facile subiturus vasa. Chylosi perficiendæ feliciter adlaborasse, universis functionibus consuluisse est. Quò magis enim alimentorum partes triturâ dissociatæ, tenuatæ, & evolutæ fuerint, eò facilius arteriarum percussionibus millies repetitis cedent. Ecce jam succos secerni habiles in hepate, in renibus, aliisque incerniculis; vel in spiritus nervorum abire, aut tennes in auras vanescere per inconspicua cutis spiracula. Nec vini putes virtutem in stomacho sepultam & extinctam. Frigefacit vinum humiditatis evacuationem faciens. Actuosa nimirum & summe mobiles ipsius moleculæ salino-sulphureæ sanguineam molem, cui admiscuntur, diverberant, incidunt, dividunt, eliquant. Vasorum parietes punguntur intercæ, & ad crebriores fortioresque oscillationes exstimulantur. Hujusmodi auxiliis & incitamentis fit liquorum circuitus celerior, cuique incerniculo, excretoriove frequentior fit sanguinis appulsus, proindeque uberior secretio. Sanitatis causam agnoscis: functionum omnium tenes originem; nulla enim est quæ ad secretiones non referatur.

(a) *Hippocr. Popular. vj.*
(b) *Cels. c. 9.*
(c) *Id. c. viij.*
(d) *Id. ibid.*
(e) *Hippocr. de dietâ, l. 2.*

(a) Hippocr.
de dietâ, l. 2.

(b) Iudicum
c. 9. v. 13.

(c) Horat.
l. 1. Ep. 5.

ad Torquatum.

(d) Horat. l. 4.
Od. 12. ad

Virgilium.

(e) Ovid. Art.
Amat. l. 1.

AT nullius non mali seminarium Bacchus est; viscera torquet, adurit, appetentiam tollit. Ità est equidem, si reluctante temperamento, voluptati potius quàm necessitati tribuatur. Quibus verò fessa labore corpora reficere, torpentem stomachum excitare, tardiori naturæ calcar addere, varias per artes ingenia ducere est animus, ii fidenter assurgant Baccho: haud fallent ipsius munera. Hæc subirò per artus diffusà subito vires recreant: ventriculi spiras languentes exsuscitant, firmant, exercent: Laboranti naturæ ferunt opem, dùm succos inertes excutiant per alvum, vesicam, & cutis poros eliminant, *vinum enim habet quid catharticum* (a), mentis aciem accuunt, addocent artes, dùm sanguinem fluidiorem efficiunt, spiritus animales generant, increpant morantes, stagnantes agunt. Instabis aquam omni animantium generi datam in potum. Quis hiscere contrà? Infantibus robustisque corpore & animo primis parentibus aqua, ut in deliciis erat, ita placandæ sit idonea, atque sufficiens. At heu! non modò mors ultrix punit ausus parentum, sed illi scelere debilitati, nefasto gignent die ut nequiores, sic debiliores, mox daturus progeniem vitiosiore atque imbeciliore. Hinc angustius vitæ spatium; hinc mortalibus cohors morborum incubuit. Verùm generis sui sortem iniquam miseratus hominum Sator corpori medelam indultit, quâ molliret etiam ægitudines animi. Vinum intelligis quod *lasciat Deum & homines* (b), quod sollicitis animis onus eximit, (c) tristitiam, vitæque labores elevat. Qui igitur mentibus anxii sedes, quem curæ ambigunt, aut spes incerta futuri insomnem angunt, aspice! adest lætitiæ Bacchus dator, spes donare novas largus, amaraque curarum eluere efficax (d); Tu sapiens sumas jocosu Liberi dona; tùm venient risus; tùm dolor, rugaque frontis abibit (e).

Ergò Vini potus salubris.

Proponēbat Parisiis, ANTONIUS-JOANNES DAVAL.
Parisiinus, Baccalaureus Medicus, A. R. S. H. 1733.
à sextâ ad meridiem.